

ՄԻԱՄՆԱԿԱՆ ՔՆՆՈՒԹՅՈՒՆ

2019

ՀԱՅՈՑ ՊԱՏՄՈՒԹՅՈՒՆ

ԹԵՍՏ 8

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: ***Թեստ-գրքույկը չի ստուգվում: Ստուգվում է միայն պատասխանների ձևաթուղթը:***

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

Ա մակարդակ

1

Ե՞րբ ընդունվեց ԽՍՀՄ կառավարության որոշումը սփյուռքահայերի ներգաղթը Խորհրդային Հայաստան իրականացնելու մասին.

- 1) 1946 թ. նոյեմբերի 21-ին
- 2) 1945 թ. դեկտեմբերի 17-ին
- 3) 1945 թ. նոյեմբերի 21-ին
- 4) 1946 թ. մարտի 16-ին

2

Ե՞րբ է ստեղծվել Նոր Զուղայի հայկական տպարանը.

- 1) 1618 թ.
- 2) 1638 թ.
- 3) 1616 թ.
- 4) 1568 թ.

3

Ե՞րբ են մոնղոլները գրավել Լոռե և Շամքոր քաղաքները.

- 1) 1242 թ.
- 2) 1243 թ.
- 3) 1244 թ.
- 4) 1236 թ.

4

Ե՞րբ է ՀՅԴ-ն պաշտոնապես խզել իր հարաբերությունները երիտթուրքերի հետ.

- 1) 1912 թ. մայիսին
- 2) 1911 թ. մայիսին
- 3) 1908 թ. հուլիսին
- 4) 1912 թ. հոկտեմբերին

5

Պետոս գորավարը ե՞րբ մտավ Հայաստան և գորքով շարժվեց դեպի Տիգրանակերտ.

- 1) 61 թ.
- 2) 62 թ.
- 3) 64 թ.
- 4) 58 թ.

6

Ե՞րբ է գրի առնվել հայերի ծագման մասին վրացական ավանդազրույցը.

- 1) VII-VIII դարերում
- 2) IX-XI դարերում
- 3) XI-XIII դարերում
- 4) V-VI դարերում

7

Արարները ո՞ր թվականին լուծեցին Վարդանակերտի պարտության վրեժը.

- 1) 705 թ.
- 2) 708 թ.
- 3) 725 թ.
- 4) 703 թ.

8

Աղբբեջանի հեղկոմը «Լեոնային Ղարաբաղը, Զանգեզուրը և Նախիջևանը Խորհրդային Հայաստանի Հանրապետության մաս ճանաչելու» հայտարարությանը հանդես եկավ՝

- 1) 1921 թ. դեկտեմբերի 30-ին
- 2) 1920 թ. դեկտեմբերի 30-ին
- 3) 1920 թ. նոյեմբերի 30-ին
- 4) 1921 թ. նոյեմբերի 30-ին

9

Որտե՞ղ է կառուցվել Սամոսատ քաղաքը.

- 1) Կապադովկիայում
- 2) Փոքր Հայքում
- 3) Կոմմագենեում
- 4) Ծովիքում

10

Ո՞ր պատմիչն է 363 թ. կնքված հռոմեա-պարսկական պայմանագիրն անվանել «ամոթալի».

- 1) Արիանոս
- 2) Ամմիանոս
- 3) Ապպիանոս
- 4) Բուզանդ

11

Ո՞րն է ՀՀ-ի երկրորդ բարձր լեռնագագաթը.

- 1) Թոնդուրեկ
- 2) Կապուտջուղ
- 3) Սիփան
- 4) Արագած

12

Ո՞ր գավառը չէր մտնում ռուս-թուրքական 1877-1878 թթ. պատերազմից հետո ձևավորված Կարսի մարզի մեջ.

- 1) Կաղզվան
- 2) Կարս
- 3) Ալաշկերտ
- 4) Օլթի

13 Ո՞ր գավառում էր Բագավանի տաճարը.

- 1) Եկեղյաց
- 2) Արտազ
- 3) Բագրևանդ
- 4) Դարանաղի

14 Ո՞վ էր գլխավորում 484 թ. Հայաստան ներխուժած պարսկական զորքերին.

- 1) Հազարավուխտը
- 2) Նիխորը
- 3) Սուրենը
- 4) Ատրվշնասպը

15 Որքա՞ն էր 1921-1936 թթ. Հայաստան ներգաղթածների ընդհանուր թիվը.

- 1) 42 հազար
- 2) 51 հազար
- 3) 90 հազար
- 4) 23 հազար

16 Ո՞ւմ կողմից է արվել «առանց հապաղելու հաց տրամադրել Կարմիր բանակին» կոչը.

- 1) Ժողկոմխորհի
- 2) Ռազմհեղկոմի
- 3) ՉԵԿԱ-ի
- 4) ՀԿ(բ)Կ կենտկոմի

17 Ո՞ր դեպքի կապակցությամբ են պատմիչի հետևյալ խոսքերը.

«Հայոց նախարարներին անցավ թագավորությունը, որովհետև թեպետև հարկը պարսից արքունիքն էր գնում, սակայն հայոց այրուձին ամբողջապես նախարարներն էին առաջնորդում պատերազմի ժամանակ»:

- 1) Արշակունյաց թագավորության անկման
- 2) Հայաստանում մարզպանության հաստատման
- 3) Արտաշեսյան թագավորության անկման
- 4) ավատատիրության հաստատման

18

Ո՞ր փաստաթղթից են մեջբերված հետևյալ խոսքերը.

«Հայաստանի կառավարությունը, համաձայն բովանդակ հայ ժողովրդի միահամուռ կամքի և ցանկության, հայտարարում է, որ այսօրվանից Հայաստանի բաժան-բաժան մասերը մշտնջենապես միացած են իբրև անկախ պետական միություն»:

- 1) «Միացյալ Հայաստանի անկախության հռչակագրի ակտ»-ից
- 2) «Թուրքահայաստանի մասին» հրովարտակից
- 3) Հայոց ազգային խորհրդի՝ Հայաստանի անկախության մասին կոչից
- 4) «Հաշտության և հողի մասին» հրովարտակից

19

Թվարկվածներից ո՞րը Կիլիկիայի հայկական պետության կառավարման գլխավոր մարմնի՝ արքունիքի կառուցվածքային բաղադրատարրերից չէր.

- 1) պետական խորհուրդ
- 2) արքունի խորհուրդ
- 3) բարձրագույն դատական աստիճան
- 4) գործակալություններ

20

Ի՞նչ էր կոչվում Հայաստանի արևմտյան մասի կառավարիչն Աքեմենյան տիրապետության օրոք.

- 1) մարզպան
- 2) ստրատեգոս
- 3) հյուպարքոս
- 4) սատրապ

21

Թվարկվածներից ո՞րն Արմֆանի ստեղծման պատճառ չէր.

- 1) գիտական աշխատանքների համակարգման անհրաժեշտությունը
- 2) միասնական գիտական կենտրոնի ստեղծման անհրաժեշտությունը
- 3) գիտատեխնիկական հեղափոխության ծավալումը
- 4) գիտահետազոտական հիմնարկների թվաքանակի աճը

22

Ինչո՞ւ արգելվեց հայկական մեհենագրության կիրառումը.

- 1) քանի որ քրիստոնեությունը պետական կրոն հռչակվելուց հետո արգելվեց նախորդ կրոնը
- 2) քանի որ այն դժվար էր կիրառել
- 3) քանի որ հունարենն ու ասորերենը ավելի լայն տարածում գտան ժողովրդի շրջանում
- 4) քանի որ ստեղծվել էր հայոց այբուբենը

23

Իրադարձությունները դասավորել ժամանակագրական հաջորդականությամբ.

- ա. Ծումբի ճակատամարտը
- բ. Տայքի միացումը Բյուզանդիային
- գ. Անիի Սմբատաշեն պարիսպների կառուցումը
- դ. Աշոտ III-ին թագադրելու հանդիսությունները
- ե. Տայքի Դավիթ Կյուրապատի մահը
- զ. Անիի Աշոտաշեն պարիսպների կառուցումը

- 1) դ, գ, գ, ա, ե, բ
- 2) գ, դ, գ, ա, բ, ե
- 3) դ, գ, գ, ե, ա, բ
- 4) դ, գ, գ, ա, բ, ե

24

Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել չորրորդը.

- ա. Հայհեղկոմի կողմից Հայաստանում պարենհարկ մտցնելը
- բ. Անդրդաշնության (ԱԽՍՀԴՄ) ստեղծումը
- գ. Վրաստանի խորհրդայնացումը
- դ. Լեոնային Ղարաբաղի ինքնավար մարզի կարգավիճակ ստանալը
- ե. հայ-վրացական սահմանազատման մասին վերջնական համաձայնագրի ստորագրումը Թիֆլիսում
- զ. Կարսի պայմանագրի կնքումը

- 1) գ
- 2) ե
- 3) դ
- 4) բ

25

Կատարել համապատասխանեցում.

Անուն

Փաստ

- | | |
|---------------------|---|
| 1. Կարապետ Սիմոնյան | ա. հայկական 89-րդ դիվիզիայի հրամանատարը 1943 թ. փետրվարից |
| 2. Սիմոն Զաքյան | բ. ԽՍՀՄ կրկնակի հերոս |
| 3. Նելսոն Ստեփանյան | գ. Երկրորդ աշխարհամարտում առաջին հայ ԽՍՀՄ հերոսը |
| 4. Գևորգ Վարդանյան | դ. հայկական 390-րդ դիվիզիայի հրամանատար |
| 5. Նվեր Սաֆարյան | ե. Հայրենական մեծ պատերազմի առաջին հայ ԽՍՀՄ հերոսը |
| | զ. ԽՍՀՄ հերոս, լեզենդար հետախույզ |

- 1) 1-ե, 2-դ, 3-գ, 4-բ, 5-ա
- 2) 1-գ, 2-դ, 3-բ, 4-զ, 5-ա
- 3) 1-ե, 2-գ, 3-դ, 4-ա, 5-բ
- 4) 1-գ, 2-դ, 3-զ, 4-ա, 5-բ

26

Բարունիների անունները համապատասխանեցնել ուսումնագիտական կենտրոններին.

- | | |
|----------------------|------------------------|
| 1. Նարեկավանք | ա. Հովհան Որոտնեցի |
| 2. Անիի վարդապետարան | բ. Ներսես Լամբրոնացի |
| 3. Նոր Գետիկ | գ. Մխիթար Գոշ |
| 4. Գլաձոր | դ. Անանիա Նարեկացի |
| 5. Տաթև | ե. Եսայի Նչեցի |
| | զ. Հովհաննես Իմաստասեր |

- 1) 1-դ, 2-ե, 3-բ, 4-գ, 5-ա
- 2) 1-բ, 2-ե, 3-դ, 4-գ, 5-զ
- 3) 1-դ, 2-գ, 3-ա, 4-ե, 5-զ
- 4) 1-դ, 2-գ, 3-զ, 4-ե, 5-ա

27

ՀՀ խորհրդարանական ընտրությունների համար «Միասնություն» դաշինքը կազմեցին.

- 1) ՀՀԿ-ն, ԲՀԿ-ն, Երկրապահ-կամավորականների միությունը
- 2) «Ժառանգություն»-ը, ՀԺԿ-ն, ԲՀԿ-ն
- 3) Երկրապահ-կամավորականների միությունը, ԲՀԿ-ն, «Ժառանգություն»-ը
- 4) ՀԺԿ-ն, ՀՀԿ-ն, Երկրապահ-կամավորականների միությունը

28

Ե՞րբ է Հայաստանի առաջին հանրապետությունում հանդիսավորապես բացվել համալսարանը.

- 1) 1920 թ. հունիսի 31-ին
- 2) 1921 թ. հունվարի 16-ին
- 3) 1920 թ. հունվարի 31-ին
- 4) 1919 թ. մայիսի 16-ին

29

Ե՞րբ է թուրքական 10-հազարանոց բանակը չերբեզների ավազակային ջոկատների ուղեկցությամբ արշավել Ջեյթունի վրա.

- 1) 1862 թ.
- 2) 1864 թ.
- 3) 1863 թ.
- 4) 1860 թ.

30

Թվարկված մտավորականներից ո՞վ չի հանդիսացել 1826-1828 թթ. ռուս-պարսկական պատերազմի օրերին ռուսական արքունիք ներկայացված Հայաստանի ազատագրության նախագծի հեղինակ.

- 1) Կարապետ Արղությանը
- 2) Հովսեփ Արղությանը
- 3) Ալեքսանդր Խուդաբաշյանը
- 4) Խաչատուր Լազարյանը

31

Ո՞րն էր մինչև նոր սահմանադրության ընդունումը պետության իրավական կարգավիճակը որոշող հիմնական փաստաթուղթը Հայաստանում 1990-ական թթ. սկզբին.

- 1) «Ղարաբաղ» կոմիտեի ծրագիրը
- 2) Անկախության հռչակագիրը
- 3) ՀՀՇ-ի ծրագիրը
- 4) ՀԽՍՀ սահմանադրությունը

32

Ո՞ւմ գահակալման հետ կապված է հռոմեական պատմիչը նշել, թե «...Արևելքում իրենց ամենից շատ հոգսեր են պատճառել հայերը»:

- 1) Տիգրան IV-ի
- 2) Արտավազդ III-ի
- 3) Արտաշես II-ի
- 4) Տիգրան II-ի

33

Ո՞ր աշխատությունում են զետեղված հետևյալ խոսքերը.

«Խիզախությամբ եղեք, եղե՛ք նմանվողներ մեր նախահոր՝ քաջ Արամի որդիներին, որ միգուցե թե այդպիսով կարողանանք վերագտնել մեր հայրենիքն Արարատյան»:

- 1) «Նոր տետրակ»-ում
- 2) Մովսես Խորենացու «Հայոց պատմություն»-ում
- 3) «Հովսեփ Էմինի կյանքը և արկածները» գործում
- 4) «Որոգայթ փառաց»-ում

34

Թվարկվածներից որո՞նք են բնորոշ իրավապաշտպանին.

- ա. պայքարում էր բնության և շրջակա միջավայրի պաշտպանության համար
- բ. անընդունելի էր համարում խորհրդային օրենքները և պաշտոնապես հռչակված արժեքները
- գ. խորհրդային իշխանություններից պահանջում էր պահպանել օրենքները և ԽՍՀՄ սահմանադրությունը
- դ. խորհրդային իշխանության դեմ զինված պայքար էր մղում
- ե. պայքարում էր մարդու իրավունքների պաշտպանության համար

- 1) ա, դ
- 2) գ, ե
- 3) գ, դ
- 4) բ, ե

35

Թվարկվածներից ո՞րը 571-572 թթ. հակապարսկական ապստամբության պատճառներից չէ.

- 1) պարսից արքայի կողմից սեպուհներին հողեր ժառանգելու իրավունքի շնորհումը
- 2) վարչական ու կրոնական ճնշումների ուժեղացումը
- 3) հայ բնակչության հարստահարության շարունակումը
- 4) հարկերի ու տուրքերի ծանրացումը

36

Իրադարձությունները դասավորել ժամանակագրական հաջորդականությամբ.

- ա. Արդինի-Մուսասիր երկրի ներառումը Վանի թագավորության կազմում
- բ. «Նաիրի» մեկ միասնական պետական կազմավորման հիշատակումը
- գ. Տուշպա մայրաքաղաքի հիմնադրումը
- դ. Արամ Ուրարտացու դիմակայելն ասորեստանյան արշավանքներին

- 1) բ, դ, գ, ա
- 2) դ, բ, գ, ա
- 3) բ, գ, դ, ա
- 4) դ, բ, ա, գ

Իրադարձությունները դասավորել ժամանակագրական հաջորդականությամբ.

- ա. Եղվարդի ճակատամարտը
- բ. Էջմիածնի գաղտնի ժողովի գումարումը Հակոբ Ջուղայեցու գլխավորությամբ
- գ. Բաղիշեցի վաճառական մահտեսի Շահմուրատի ժամանումը Փարիզ բանակ-
ցությունները շարունակելու համար
- դ. Օրու ժամանումը Սպահան
- ե. Դավիթ բեկի մահը
- զ. Էրզրումի թուրք-պարսկական պայմանագրի կնքումը

- 1) գ, ա, բ, ե, զ, դ
- 2) դ, բ, գ, ե, ա, զ
- 3) բ, գ, դ, ե, ա, զ
- 4) գ, բ, դ, ե, զ, ա

Արտաշես I-ի՝ Մեծ Հայքին միացրած տարածքները համապատասխանեցնել ուղղությամբ.

- | | |
|-------------|---|
| 1. արևելք | ա. Կարնո երկիր, Եկեղիք, Դերջան |
| 2. հարավ | բ. Գուգարք |
| 3. հյուսիս | գ. Ծովք, Կոմագենե |
| 4. արևմուտք | դ. Փայտակարան, Կասպեից երկիր
ե. Տնորիք |

- 1) 1-ա, 2-ե, 3-բ, 4-դ
- 2) 1-գ, 2-բ, 3-ե, 4-դ
- 3) 1-դ, 2-ե, 3-բ, 4-ա
- 4) 1-դ, 2-բ, 3-ե, 4-գ

Ընտրել տերմինների կամ հասկացությունների սխալ բացատրությունները.

- 1) Էջմիածնում հիմնված մշակութային-պատմական ինստիտուտը 1925 թ. վերա-
փոխվելուց հետո կոչվեց Գիտության և արվեստի ինստիտուտ:
- 2) 1988 թ. փետրվարի 20-ին ԼՂԻՄ մարզխորհրդի արտահերթ նստաշրջանի օրա-
կարգում դրված հարցը վերնագրված էր՝ «Լեռնային Ղարաբաղի Ինքնավար
Մարզի Գերագույն խորհրդի միջնորդությունը՝ երկրամասը Ադրբեջանական
ԽՍՀ-ից հանելու և Հայկական ԽՍՀ-ի կազմի մեջ մտցնելու մասին»:
- 3) 1920-ական թթ. ստեղծված գյուղացիական միացյալ տնտեսությունների ձևերից
էին սովխոզները, արտելները, կոմունաները:
- 4) Մինչև 1991 թ. նոյեմբերի կեսերը նոր ինքնիշխան պետությունների ղեկավարնե-
րի քննարկած միութենական պայմանագրի նախագծի վերջնական տարբերա-
կում նոր միությունը բնութագրվում էր որպես «համադաշնային ժողովրդական
պետություն»:
- 5) 1947 թ. ապրիլի 30-ից մայիսի 4-ը Նյու Յորքում կայացած Հայկական համաշ-
խարհային կոնգրեսի նախաձեռնող կազմակերպությունը կոչվում էր Ամերիկայի
Հայկական ազգային խորհուրդ:
- 6) 1987 թ. հունիսի 18-ին 1915 թ. հայերի ցեղասպանությունը դատապարտած մար-
մինը կոչվում էր Եվրոպական միություն:

40

Գտնել սխալ պատասխանները:

Ինչո՞ւ 1918 թ. հնարավոր չեղավ պաշտպանել մեր հայրենիքի արևմտյան մասը.

- 1) հայկական կանոնավոր զորամասերի համալրումը դեռ չէր ավարտվել, և նրանց զգալի մասն էլ թիկունքում էր
- 2) Անտանտի երկրների՝ ստանձնած պարտավորությունները չկատարելու պատճառով
- 3) Խորհրդային Ռուսաստանի բրեստյան պարտվողական քաղաքականության պատճառով
- 4) Ռուսաստանը պարտավորվել էր հայկական տարածքները հանձնել Թուրքիային՝ վճարելիք ռազմատուգանքի փոխարեն
- 5) մենջևիկների և մուսավաթականների հակահայկական դաշինքի պատճառով

41

Գտնել ճիշտ պնդումները.

- 1) Ադանայում տեղի ունեցան բողոքի ցույցեր, որոնց մասնակիցները պահանջում էին հրաժարվել Սսի ժողովի որոշումները կենսագործելուց:
- 2) Եկեղեցիների միավորման հակառակորդների մի մասին ձերբակալում և արսորում են Կահիրե, իսկ մյուսներին բանտարկում են:
- 3) Բուն Հայաստանում նույնպես հրաժարվեցին Սսի և Ադանայի ժողովների որոշումները կատարելուց:
- 4) Հայ հասարակության մեջ առաջացավ մի խմբավորում, որը փորձում էր Հայոց եկեղեցին միավորել քրիստոնեական մյուս եկեղեցիների հետ. այն ստացավ հակաունիթորներ անվանումը:
- 5) Երբ Օշին թագավորը և Կոստանդին Կեսարացի կաթողիկոսը փորձեցին իրագործել Սսի ժողովի որոշումները, հանդիպեցին հայ բնակչության համառ դիմադրությանը:

42

Իրադարձություններից ո՞րն է խախտում տրված շարքի ժամանակագրական հաջորդականությունը.

- 1) Վախթանգ Գորգասալի գահակալության սկիզբը
- 2) Գյուտ կաթողիկոսի գահակալության սկիզբը
- 3) Հովսեփ Վայոցձորցու և Ղևոնդ Երեցի նահատակությունը
- 4) Պերոզի հրամանով Գյուտ կաթողիկոսի մեկնումը Տիգրան
- 5) Գյուտ կաթողիկոսի վերադարձը Տիգրանից և հաստատվելը Վանանդում
- 6) Ուրացյալ Վազգեն Բդեշխի սպանությունը

43

Իրադարձությունները դասավորել ժամանակագրական հաջորդականությամբ.

- 1) «Լոռու չեզոք գոտի» ժամանակավորապես վրացական զորքեր մտցնելու մասին Թիֆլիսում հայ-վրացական համաձայնագրի ստորագրումը
- 2) պետական լեզվի մասին օրենքի ընդունումը ՀՀ խորհրդարանի կողմից
- 3) Հայաստանի բոլշևիկյան կազմակերպությունների միավորումը և կենտրոնական ղեկավար մարմնի՝ Հայաստանի կոմիտեի (Արմենկոմ) ստեղծումը
- 4) Ալեքսանդր Խատիսյանի գլխավորած կառավարության հրաժարականը
- 5) հայ-վրացական պատերազմի ավարտը

--	--	--	--	--

44

Տարեթվերը համապատասխանեցնել Մեծ եղեռնի ժամանակ տեղի ունեցած իրադարձությունների հետ.

- ա. Օսմանյան տերության քաղաքացիների մուտքն ու ելքը կայսրությունից արգելող հատուկ օրենքի հրապարակումը
- բ. Վանի ազատագրումը
- գ. հայ զինձառայողներին հրամանատարական պաշտոններում նշանակելու արգելքը
- դ. Թալեաթի, Էնվերի և Նազըմի կողմից ստորագրված հայերի ոչնչացման հրամանի ուղարկումը Օսմանյան կայսրության նահանգային իշխանություններին
- ե. Ըստ վաղօրոք կազմված ցուցակների՝ ավելի քան 2300 մարդու կալանումը Կ. Պոլսում

- 1) 1915 թ. ապրիլի 5
- 2) 1915 թ. ապրիլի 7
- 3) 1915 թ. մայիսի 5
- 4) 1915 թ. ապրիլի 11 (նոր տոմարով՝ ապրիլի 24)
- 5) 1915 թ. փետրվարի 25
- 6) 1915 թ. ապրիլի 15

ա	
բ	
գ	
դ	
ե	

45

Ստորև տրված պնդումներից գտնել՝ որոնք են ճիշտ, որոնք՝ սխալ.

- 1) Դվինի 554 թ. ժողովում ուղենշվեց Հայոց եկեղեցու դավանաբանական ինքնուրույնությունը:
- 2) Հայոց եկեղեցու նվիրապետական կառույցներից էր Աղվանից եկեղեցին, որի կաթողիկոսանիստ կենտրոնը XIV դարի վերջերից Գանձասարի վանքն էր:
- 3) Միայն XVI դ. առաջին կեսին են գեյթունցիները պարտավորվել օսմանյան իշխանություններին վճարել տարեկան որոշակի հարկ՝ պահպանելով իրենց ներքին ինքնուրույնությունը:
- 4) Տիգրան Մեծի տերության տարածքը կազմված էր երեք կարգի հատվածներից՝ բուն հայկական հողեր, հպատակ թագավորություններ և տնտեսական ու մշակութային ազդեցության ոլորտում գտնվող երկրներ:
- 5) Մինչև VIII դարի կեսերը Մասանյանները տարածաշրջանում վարում էին ծավալապաշտական քաղաքականություն:
- 6) Պապի վարած անկախ քաղաքականության արդյունքում Հայաստանից վտարվեցին բյուզանդական զորքերը:

Բ մակարդակ

46

Ընտրել տերմինների կամ հասկացությունների սխալ բացատրությունները.

- ա. 1917 թ. մարտի 9-ին ժամանակավոր կառավարության կողմից Անդրկովկասում ստեղծած գործադիր իշխանության նոր մարմինը կոչվում էր Անդրկովկասյան սեյմ:
- բ. Բոլշևիկների Հոկտեմբերյան հեղաշրջումից հետո Այսրկովկասում ստեղծված իշխանության նոր մարմինը կոչվում էր Անդրկովկասարիատ:
- գ. Լոնդոնում դիվանագետներ Մ. Սայքսի ու Ժ. Պիկոյի միջև կնքված համաձայնագրով հիմնականում հայերից ստեղծված գորամիավորը կոչվում էր «Արևելյան լեգեոն» (Հայկական լեգեոն):
- դ. Թուսաստանի ժամանակավոր կառավարության կողմից Արևմտյան Հայաստանի գլխավոր կոմիսար Ավերյանովին հասցեագրված գաղտնի փաստաթուղթը կոչվում էր «Ղեկավար հրահանգներ»:
- ե. 1906 թ. օգոստոսին Էջմիածնում հայ հասարակական շրջանակների հրավիրած ժողովը հայտնի է պատգամավորական Կենտրոնական ժողով անունով:
- զ. 1916 թ. մարտ-օգոստոս ամիսներին հայկական կամավորական ութ ջոկատներից վերակազմակերպված վեց կազմավորումները կոչվում էին հայկական հրաձգային գնդեր:

- 1) ա, գ, զ
- 2) բ, գ, ե
- 3) բ, դ, ե
- 4) ա, դ, զ

47

Գտնել տերմինների կամ հասկացությունների սխալ բացատրությունները.

- ա. Որոշ ուսումնասիրողների կարծիքով Աստղիկը եղել է նաև ռազմի դիցուհի:
- բ. Հայաստանի քրմապետը նաև համարվում էր Մեծ դատավոր:
- գ. Հայաստանում Ք. ա. III դարից սկսված ժամանակաշրջանը հայտնի է «ուշ հելլենիստական» անունով:
- դ. Արամագըրը երկրի և երկնքի արարիչ, մարդկանց բարօրություն, լիություն ու արիություն շնորհող աստվածն էր:
- ե. Վահագնը ռազմի, քաջության և ամպրոպի աստվածն էր:
- զ. Հելլենիզմի դարաշրջանում հայոց մեջ տարածված կրոնը միաստվածային էր:
- է. Զրադաշտականությունն իր բնույթով դուալիստական կրոն է:

- 1) ա, գ, զ
- 2) բ, ե, զ
- 3) ա, գ, է
- 4) բ, դ, ե

48

Հայաստանի իշխանությունները Թիֆլիսի 1920 թ. օգոստոսի 10-ի համաձայնագրին կարևոր նշանակություն չէին տալիս, որովհետև՝

- ա. այն համարում էին ժամանակավոր:
- բ. երկրի արտաքին քաղաքականության գլխավոր նպատակը և Հայկական հարցի լուծումը կապում էին Սևրի պայմանագրի հետ:
- գ. մտածում էին, որ իրենք ստեղծված իրավիճակում այլ ելք չունեն:
- դ. նրանք հասկանում էին, որ Սևրի պայմանագիրը հնարավոր չէ իրագործել:
- ե. համոզված էին, որ եվրոպական հզոր պետությունների ջանքերով կիրագործվի Սևրի պայմանագիրը:
- զ. գերագնահատում էին Ռուսաստանի դերը տարածաշրջանային խնդիրներում:
- է. ենթադրում էին, որ դրանով կխոչընդոտեն քեմալա-բոլշևիկյան համագործակցության ամրապնդմանը:

- 1) ա, բ, է
- 2) բ, գ, է
- 3) դ, գ, է
- 4) ա, գ, է

49

Ստորև թվարկված պատմական իրադարձությունների պատճառներից և հետևանքներից որո՞նք են սխալ.

- ա. Վարդանանց պատերազմի արդյունքը հայոց երկրի ներքին ինքնուրույնության պահպանումն էր:
- բ. Խաղխաղի ճակատամարտի հետևանքը պարսից զորավար Միհրանի քսանհազարանոց զորքի պարտությունն էր:
- գ. Հայ իշխանների միջև առաջացած տարաձայնություններին Սաջյան ամիրաների միջամտության առիթը Նախճավան քաղաքի համար վեճն էր:
- դ. 1137 թ. Հովհաննես Կոմնենոս կայսեր՝ Կիլիկիա արշավանքի պատճառը Թորոս I-ին միջերկրածովյան շրջանից դուրս մղելն էր:
- ե. Անտիոքի իշխանի որդի Ֆիլիպին հայոց գահից զրկեցին նրա ոչ հայամետ քաղաքականության պատճառով:
- զ. 1243 թ. Միսի եկեղեցական ժողովի հետևանքը Քաղկեդոնի երկաբնակության դավանանքի ընդունումն էր:

- 1) ա, գ, դ
- 2) բ, է, գ
- 3) ա, բ, գ
- 4) բ, դ, գ

Տիգրան Մեծի նվաճումներից ո՞րն է տեղի ունեցել յոթերորդը՝ ըստ ժամանակագրական հաջորդականության.

- ա. Մարաստանի գրավումը
- բ. Կապադովկիայի գրավումը
- գ. Վիրքի և Ադվանքի հպատակեցումը
- դ. Օսրոյենեի, Ադիաբենեի և Միգդոնիայի միացումը Հայոց թագավորությանը
- ե. Հրեաստանի և Նաբաթեա թագավորության կողմից Տիգրանի գերիշխանության ընդունումը
- զ. Պտղոմայիս քաղաքի գրավումը
- է. Ծովքի միացումը Մեծ Հայքին
- ը. Ասորիքի գրավումը
- թ. Կորդուքի միացումը Մեծ Հայքին
- ժ. պարթևների թագավորանիստ Էկրատանի գրավումը

- 1) դ
- 2) ը
- 3) ժ
- 4) ա

Իրադարձությունները դասավորել ժամանակագրական հաջորդականությամբ.

- ա. Աբգար Թոխաթեցու գլխավորած պատվիրակության մեկնումը Վենետիկ
- բ. Նոր Զուղա բնակավայրի հիմնումը
- գ. Չալդրանի ճակատամարտը
- դ. Օսմանյան պետության հիմնադրումը Փոքր Ասիայում
- ե. Եկեղեցական ժողովի գումարումը Սեբաստիայում
- զ. շահ Աբասի կազմակերպած հայ բնակչության բռնագաղթը
- է. Սմբատ Արծրունու օծումը հայոց թագավոր
- ը. կաթողիկոսական աթոռի վերահաստատումը Ս. Էջմիածնում
- թ. Էջմիածնի գաղտնի խորհրդակցության հրավիրումը Ստեփանոս Սալմաստեցու կողմից
- ժ. օսմանների կողմից Կոստանդնուպոլսի գրավումը

- 1) դ, ը, ժ, է, թ, գ, ա, ե, գ, բ
- 2) ը, ժ, դ, է, գ, թ, է, գ, ա, բ
- 3) դ, ը, ժ, է, գ, թ, է, ա, գ, բ
- 4) ը, ժ, դ, գ, թ, է, է, ա, բ, գ

Իրադարձությունները դասավորել ժամանակագրական հաջորդականությամբ.

- ա. «Պաշտպան հայրենյաց» կազմակերպության անդամների դատավարությունը
- բ. «Հայրենասերների միություն» կազմակերպության հիմնադրումը
- գ. «Հայրենիքի սիրո գրասենյակ» խմբակի հիմնադրումը
- դ. Արմենական կուսակցության հիմնադրումը
- ե. «Վերակազմյալ հնչակյաններ» անունով Ա. Արփիարյանի թնի հանդես գալը
- զ. Համիդիե գնդերի ստեղծումը
- է. «Ազգային սահմանադրության» վավերացումը սուլթանական իշխանության կողմից
- ը. «Արևելյան թատրոնի» կազմավորումը Կ. Պոլսում
- թ. «Հայաստան» անվան գործածության արգելումը Աբդուլ Համիդ II-ի կողմից
- ժ. «Բարենպատակ ընկերություն» խմբակի հիմնադրումը

- 1) է, ը, ժ, գ, ա, թ, բ, դ, ե, զ
- 2) ը, է, ժ, գ, ա, թ, դ, բ, գ, ե
- 3) է, ժ, ը, թ, գ, բ, ա, դ, ե, զ
- 4) ը, է, ժ, գ, թ, բ, ա, դ, գ, ե

Կատարել համապատասխանեցում.

- | | |
|-------------------------------------|---|
| 1. Ջակոմո (Հակոբ) Չամչյան | ա. «Անի» աշխատության հեղինակը |
| 2. Հովհաննես Ադամյան | բ. «Ազգապատում» աշխատության հեղինակը |
| 3. Լևոն Օրբելի | գ. ժամանակակից երկրաքիմիա գիտա-
ճյուղի հիմնադիրը |
| 4. Նիկողայոս Մառ | դ. ժամանակակից օրգանական լուսա-
քիմիայի հիմնադիրը |
| 5. Մաղաքիա արքեպիսկոպոս
Օրմանյան | ե. Էվոլյուցիոն ֆիզիոլոգիայի հիմնադիրը |
| 6. Նիկողայոս Ադոնց | զ. հեռավորության վրա գունավոր պատ-
կեր հաղորդելու առաջին փորձը |
| | է. «Հայաստանը Հուստինիանոսի դարա-
շրջանում» աշխատության հեղինակը |

- 1) 1-է, 2-գ, 3-դ, 4-զ, 5-ա, 6-բ
- 2) 1-զ, 2-դ, 3-է, 4-գ, 5-բ, 6-է
- 3) 1-դ, 2-զ, 3-է, 4-գ, 5-ա, 6-բ
- 4) 1-դ, 2-զ, 3-է, 4-ա, 5-բ, 6-է

Ստորև բերված պնդումներից որո՞նք են սխալ.

- ա. Սուրբ գրքի հայերեն թարգմանությունն անվանվել է Աստվածաշունչ:
- բ. Հայրենիք վերադարձող Մեսրոպ Մաշտոցին Արաքսի ափին մեծ հանդիսավորությամբ դիմավորել են Վոսմապուհ արքան, Սահակ Պարթև կաթողիկոսը, նախարարագունդ ավագանին՝ ժողովրդի բազմության հետ:
- գ. Մեսրոպ Մաշտոցը՝ հայ դպրության հիմնադիրը, գրել է հոգևոր ճառեր, երգեր, հատկապես շարականներ:
- դ. Մեսրոպ Մաշտոցը տառեր է ստեղծել նաև վրաց և Արաքսի ձախափնյա բուն Աղվանքի ցեղերից մագքութների համար:
- ե. Սահակ Պարթևի նամակով Մաշտոցը ներկայանում է բյուզանդական Թեոդոսիոս III-ին, ստանում է նրա համաձայնությունը Արևմտյան Հայաստանում ևս դպրոցներ բացելու համար:
- զ. Հայկական դպրոցներ բացելու առաքելությունը երկրի արևմտյան մասում Մաշտոցն իրականացնում է 415-419 թթ.:
- է. Առաջին բարձրագույն դպրոցը՝ վարդապետարանը, հիմնադրվել է Վաղարշապատում:

- 1) դ, գ, է
- 2) դ, է, գ
- 3) գ, դ, է
- 4) ա, բ, է

Բերված փաստարկներից որո՞նք են ճիշտ.

- ա. 1992 թ. դեկտեմբերին Թուրքիան ճանաչեց Հայաստանի անկախությունը, բայց նրա հետ դիվանագիտական հարաբերություններ չհաստատեց:
- բ. 1993 թ. մայիսի 18-ին հայ ազատամարտիկները մտան Լաչին:
- գ. 2007 թ. հունվարի 19-ին Ստամբուլում ահաբեկչության զոհ դարձավ «Ակոս» թերթի խմբագիր Հրանտ Դինքը:
- դ. 2009 թ. հոկտեմբերի 10-ին Ցյուրիխում Հայաստանի Հանրապետության և Թուրքիայի միջև ստորագրվեցին «Երկկողմ դիվանագիտական հարաբերությունների հաստատման և զարգացման մասին» արձանագրությունները:
- ե. 1992 թ. հունվարի 8-ին ԼՂՀ Գերագույն խորհրդի նախագահ ընտրվեց 33-ամյա պատմաբան Արթուր Մկրտչյանը:
- զ. 1920-ական թվականների սկզբին ամենամարդաշատ հայկական գաղթօջախը Շվեդիայում էր:
- է. 1949 թ. օգոստոսին ՀՍԽՆ նախարարների խորհրդին առընթեր ներգաղթի կոմիտեն դադարեցրեց իր գործունեությունը:
- ը. 2015 թ. հունվարից ՀՀ-ն Եվրոպայի խորհրդի (ԵԽ) լիիրավ անդամ է:

- 1) գ, դ, է, է
- 2) բ, դ, է, է
- 3) ա, բ, գ, ը
- 4) բ, գ, գ, ը

Ստորև թվարկված պատմական իրադարձությունների պատճառներից որո՞նք են ճիշտ.

- ա. Արցախից Ռուսաստան Հովսեփ Էմինի հեռանալու պատճառը Սիմեոն Երևանցու և տեղի ուժերի կողմից նրան չօժանդակելն էր:
- բ. Զեյթունի 1862 թ. ապստամբության ժամանակ զեյթունցիների հետ օսմանյան կառավարության փոխզիջման գնալու պատճառը Ռուսաստանի կողմից Թուրքիային պատերազմ հայտարարելու սպառնալիքն էր:
- գ. Թուրքիայի Առաջին աշխարհամարտի մեջ ներքաշվելու գլխավոր պատճառը թուրք-ռուսական դարավոր հակամարտությունն էր:
- դ. 1914 թ. կնքված ռուս-թուրքական համաձայնագրի չիրագործվելու պատճառներից էր Բալկանյան առաջին պատերազմը:
- ե. Անգլիայի և Ֆրանսիայի կողմից 1915 թ. Դարդանեղի գործողությունը ձեռնարկելու պատճառը Կիլիկիայի և արաբական տարածքների գերմանական զորքերի ռազմակալման կասեցումն էր:
- զ. Առաջին աշխարհամարտի ժամանակ ցարիզմի կողմից հայ կամավորական ջոկատների ցրման գլխավոր պատճառը հայերի անկախական ձգտումներն էին:
- է. Հայ ժողովրդի նկատմամբ Նադիր շահի ցուցաբերած դրական վերաբերմունքի պատճառներից էր հակառուսական պայքարում հայ բնակչության օժանդակությունը ստանալը:

- 1) ա, դ, գ
- 2) բ, դ, է
- 3) ա, գ, զ
- 4) բ, գ, է

Վանի թագավորության արքաների անունները համապատասխանեցնել նրանց հետ կապված իրադարձություններին.

- | | |
|---|----------------|
| 1) Նրա օրոք տերության կառավարման ոլորտում համադաշնային կառավարման համակարգից սկսվեց անցում կատարվել կենտրոնացված պետության: | ա. Մենուա |
| 2) Նրան հաջողվեց բարեկամական և դաշնակցային հարաբերություններ հաստատել կիմերների հետ: | բ. Իշպուհինի |
| 3) Նրա առաջնորդությամբ ստեղծվեց Վանի աշխարհակալությունը: | գ. Սարդուրի II |
| 4) Նա է անցկացրել գրային բարեփոխումը Վանի թագավորությունում: | դ. Սարդուրի I |
| 5) Նա կառուցեց 72 կմ երկարությամբ ջրանցք, որն օգտագործվում է մինչև օրս: | ե. Ռուսա I |
| 6) Նա Սևանա լճի ավազանում վերակառուցեց ամրոցներ և դրանք վերանվանեց Խալդի և Թեյշեբա աստվածների անուններով: | զ. Արգիշտի I |
| | է. Ռուսա II |

- 1) 1-գ, 2-է, 3-ա, 4-է, 5-դ, 6-բ
- 2) 1-բ, 2-գ, 3-զ, 4-դ, 5-ա, 6-է
- 3) 1-գ, 2-զ, 3-է, 4-ա, 5-բ, 6-է
- 4) 1-զ, 2-է, 3-զ, 4-բ, 5-ա, 6-է

Ընտրել սխալ պնդումները.

- ա. Օգտվելով Աքեմենյան վերջին տիրակալ Դարեհ III-ի՝ Մակեդոնացուց կրած պարտություններից՝ հայերը դեռևս Գավգամելայի ճակատամարտից առաջ հռչակում են Մեծ և Փոքր Հայքերի անկախությունը:
- բ. Պոմպեոսի կողմից Պոնտոսը ռազմակալվելուց հետո Միհրդատ Եվպատորը նահանջեց իր տերության հյուսիսային երկրամասերը, որտեղ էլ Ք. ա. 63 թ. ինքնասպանությամբ վերջ տվեց կյանքին:
- գ. Գահակալության վերջին շրջանում Տիգրան III-ը ձերբագատվեց Հռոմի միջամտություններից և, մերձենալով Պարթևստանին, սկսեց վարել ինքնուրույն քաղաքականություն:
- դ. Օգտագործելով պատեհ առիթը՝ պարթևական զինված ուժերը՝ թագաժառանգ Բակուրի հրամանատարությամբ, և նրան օժանդակող հայկական զորամասերը՝ Վասակ զորավարի գլխավորությամբ, հռոմեացիներին դուրս մղեցին Կիլիկիայից, Ասորիքից, Փյունիկիայից, Պաղեստինից և Հրեաստանից:
- ե. Հրահատ IV-ը հիանալի գիտակցում էր, որ Հայաստանից հետո Պարթևստանն է լինելու Հռոմի հաջորդ թիրախը, ուստի փոխեց իր վերաբերմունքը և ռազմական զգալի օգնություն տրամադրեց Հայաստանին:
- զ. Արտավազդ II-ը Կրասոսին առաջարկում էր պարթևների դեմ արշավել ոչ թե Հայաստանի հարավով, այլ Ասորիքի անապատներով՝ հուսալով երկիրը զերծ պահել հռոմեացիների ասպատակություններից:
- է. Խայտառակ ձևով պարտված Պետոսը սուտ լուր է ուղարկում Հռոմ, թե իբր Արևելքում իրավիճակը չի փոխվել, սակայն Ներոնը տեղեկացել էր, որ պարտված հռոմեական լեգեոնները հեռացել էին Հայաստանից:
- ը. Հռոմեական կայսրությունում մղված գահակալական կռիվների ընթացքում չեզոքություն պահպանած հայոց Վաղարշ I թագավորը հաշտություն է կնքում հաղթանակած թեկնածուի և Հռոմի նոր կայսր Սեպտիմիոս Սևերոսի հետ:

- 1) ա, ե, ը
- 2) դ, ե, է
- 3) ա, գ, ը
- 4) բ, գ, զ

Տրված պնդումներից որո՞նք են ճիշտ.

- ա. 1918 թ. հունվարին թուրքական զորքերը ներխուժել էին Արևելյան Հայաստան և Անդրկովկաս:
- բ. Գերմանիայի ներկայացուցիչ ֆոն Լոսովի խորհրդով Հայոց ազգային խորհրդի ներկայացուցիչներ Հ. Օհանջանյանն ու Ա. Զուրաբյանը մեկնեցին Բեռլին:
- գ. 1918 թ. մայիսի 27-ին հայտարարվեց Արևելակովկասյան մուսուլմանական հանրապետության անկախության մասին:
- դ. 1918 թ. մայիսի 30-ին Թիֆլիսի մամուլում Ավետիս Ահարոնյանի ձևակերպումով հրապարակվեց Հայոց ազգային խորհրդի կոչը:
- ե. Բաթումում 1918 թ. մայիսի 11-ին վերսկսված բանակցություններում թուրքական պատվիրակությունը գլխավորում էր Ք. Կարաբեքիր փաշան:
- զ. Բաթումի հաշտության բանակցություններում հայ պատվիրակները տեղեկացրին, որ իրենք հանդես են գալիս Հայոց ազգային խորհրդի անունից:
- է. Բաթումի պայմանագրով քեմալական կառավարությունն ընդունեց և ճանաչեց Հայաստանի անկախությունը:
- ը. Նորահռչակ հայկական առաջին հանրապետության բարձրագույն օրենսդիր իշխանությունը կոչվեց Հայաստանի կառավարություն:

- 1) բ, գ, է
- 2) բ, գ, զ
- 3) դ, է, զ
- 4) ա, դ, ը

Ընտրել տերմինների կամ հասկացությունների ճիշտ բացատրությունները.

- 1) Տաշիր-Չորագետի թագավորության հիմնադիր Գուրգենը փախավ երկրից՝ գրկվելով իր հողային տարածքներից, որի համար էլ ստացավ «Անհողին» մականունը:
- 2) Դվին, ապա Պարտավ կենտրոնով արաբների ստեղծած վարչաքաղաքական միավորը կոչվեց Արմինիա ամիրայություն:
- 3) Իշխան Դավիթ Սահառունուն Հերակլ կայսեր շնորհած աստիճանը կոչվում էր պատրիկ-կյուրապատ:
- 4) Բագրատունյաց Հայաստանում գործակալությունների մեջ կարևոր էին ինքնակալ միապետի, իշխանաց իշխանի և սպարապետի պաշտոնները:
- 5) Միջնաբերդի շուրջը տարածվող բուն քաղաքը կոչվում էր շահաստան:
- 6) Բագրատունիների օրոք բանակը բաղկացած էր արքունական և նախարարական գնդերից:
- 7) Ազդեցիկ իշխանավորների և բարձր հոգևորականների պալատները կառուցված էին շահաստան կոչվող թաղամասում, որտեղ կենտրոնացված էին նաև հարուստ վաճառականների շենքերը, շուկաները, հյուրանոցները և այլն:
- 8) Թագավորական տիրույթներից հավաքագրված ռազմիկներից կազմված գունդը կոչվում էր արքունական:

Թվարկվածներից որո՞նք են պատմական իրադարձությունների իրական պատճառահետևանքային կապեր.

- 1) Սելջուկների տիրապետության հաստատման հետևանքով Հայաստանի տարածքում ստեղծվեցին Երզնկայի, Տերիկի, Կեսարիայի և Ադանայի սելջուկյան իշխանությունները:
- 2) Հայ-վրացական զինակցության արդյունքում սելջուկների լծից ազատվեցին Հայաստանի կենտրոնական ու հարավային շրջանները:
- 3) Անիի Բագրատունիներին ենթակա թագավորությունների առաջացման պատճառը զարգացած ավատատիրության շրջանում գոյություն ունեցող ավատատիրական մասնատվածությունն ու իշխանների կենտրոնախույս ձգտումներն էին:
- 4) Թեոդորոս Ռշտունուն ազատ արձակելու պատճառը Հայաստանը Բյուզանդական կայսրության ոլորտում պահելն էր:
- 5) Նախարարների հետ Տիրանի ունեցած բարդ հարաբերությունների հետևանքով կորուստներ կրեցին Արծրունյաց և Բզնունյաց նախարարական տոհմերը:
- 6) Ժառանգական նախարարական խոշոր հողատիրության աճի հետևանքով թագավորական հողատիրությունը կրճատվում և ամփոփվում էր Միջնաշխարհում գտնվող ոստանում:
- 7) Ավատատիրության խորացմամբ ծառայող ազնվականության հողատարածքները մասնատվում էին, ինչի հետևանքով մեծանում էին թագավորական, պետական հողերը:

Թվարկվածներից որո՞նք 298 թ. Մծբինի պայմանագրի հետևանքներ չեն.

- 1) Արշակունիներն ամրապնդվեցին հայոց գահին:
- 2) Ընդունվեց Միլանի հրովարտակը:
- 3) Հայաստանը թոթափեց Աքեմենյանների գերիշխանությունը:
- 4) Պարսից թագավոր Վաղարշ I-ը ճանաչեց Մեծ Հայքի անկախությունը:
- 5) Տրդատ III-ը վերջնականապես ճանաչվեց Մեծ Հայքի թագավոր:
- 6) Վերականգնվեց Հայոց աշխարհի ամբողջականությունը:
- 7) Տրդատ III-ը սկսեց զբաղվել երկրի հզորացմամբ և շինարարությամբ:

Ընտրել սխալ փաստարկները.

- 1) 1918 թ. ապրիլի 11-ից հունիսի 4-ը Անդրկովկասի իշխանությունները Բաթումում հաշտության բանակցություններ են վարել թուրքերի հետ:
- 2) 1918 թ. մարտի 1-ից ապրիլի 1-ը Տրապիզոնում Անդրկովկասյան Սեյմի և Թուրքիայի միջև ընթացել են բանակցություններ:
- 3) 1917 թ. մայիսի 2-11-ը կայացել է արևմտահայերի երկրորդ համագումարը Երևանում:
- 4) 1826 թ. սեպտեմբերի սկզբներին հայազգի գեներալ Վալերիան Մադաթովի զորագունդը հետ է գրավում Գանձակը:
- 5) 1827 թ. Գալուստ Շերմազանյանը թատերական շենքի վերածած իր երկհարկանի տանը բեմադրել է հայ և օտար դրամատուրգների պիեսներ:
- 6) 1829 թ. հունիսի 24-ին Ի. Պասկևիչի գլխավորած ռուսական հիմնական ուժերը գրավում են Հասան կալան:
- 7) 1891 թ. սկզբին կնքված համաձայնագրով Հնչակյան կուսակցությունը միացել է ՀՅԴ-ին:
- 8) 1918 թ. ապրիլի 6-8-ը Ալեքսանդրապոլում տեղի է ունեցել հայ ազգային-քաղաքական կազմակերպությունների ներկայացուցիչների խորհրդակցություն:

Տրված փաստարկներից որո՞նք են ճիշտ.

- 1) Կապիտան Արսեն Շահմազյանը 1919 թ. նոյեմբերին ժամանեց Գորիս և ստանձնեց Արցախի գեներալ-կոմիսարի պաշտոնը:
- 2) Արսեն Շահմազյանին գեներալ-կոմիսարի պաշտոնում փոխարինեց Սերգեյ Մելիք-Յուլյանը:
- 3) Բաքվի 1918 թ. ինքնապաշտպանության գործում մեծ դեր ունեցան գեներալ Նազարբեկյանը, Դրոն, Համազասպը, Գրիգորի Կորգանովը և ուրիշներ:
- 4) Այնթապի ինքնապաշտպանության բարձրագույն խորհրդի նախագահն էր հոգևոր առաջնորդ Պետրոս Սարաձյանը:
- 5) Մուղրոսի զինադադարից հետո Անդրկովկասում ամրապնդվեցին Անգլիայի դիրքերը:
- 6) Բաքվի 26 կոմիսարները 1918 թ. սեպտեմբերի 15-ին գնդակահարվեցին անդրկասպյան էսեռական իշխանությունների և անգլիացիների կողմից:
- 7) Շուշիում կայացած արցախահայության առաջին համագումարը երկրամասը հռչակեց անկախ վարչաքաղաքական միավոր և կազմեց «Ղարաբաղի ժողովրդական կառավարություն»:
- 8) Կիլիկիայում 1920 թ. սկզբներին ապրում էր 300 հազար հայ, սակայն տեղում հաստատված ֆրանսիական վարչությունը լուրջ քայլեր չձեռնարկեց հայերի անվտանգությունն ապահովելու համար:
- 9) Մուղրոսի զինադադարից հետո Կիլիկիան զինագրավվեց ֆրանսիական զորքերի կողմից, իսկ 1919 թ. նոյեմբերին նրանց փոխարինեցին անգլիական զորքերը:

65

Թվարկվածներից որո՞նք են խախտում 1918 թ. թուրք-հայկական պատերազմի դեպքերի տրված շարքի ժամանակագրական հաջորդականությունը.

- 1) թուրքական զորքերի կողմից Սարիղամիշի գրավումը
- 2) Կարսի՝ առանց դիմադրության թուրքերին հանձնվելը
- 3) Ալեքսանդրապոլի գրավումը թուրքերի կողմից
- 4) Սասունցի Մանուկի և Մուշեղի գլխավորությամբ Ներքին Թալինի բերդի գրավումը
- 5) թուրքական զորքերի ներխուժումը Ջավախք հարավ-արևմուտքից
- 6) հայկական զորքերի կողմից Սարդարապատի հետգրավումը
- 7) Բաշ-Ապարանի ճակատում հայկական ուժերի վերջնական հաղթանակը
- 8) Ղարաքիլիսայի հերոսամարտի ավարտը
- 9) Շիրակում՝ Սոգյությունի (Սառնաղբյուր) ճակատում, հայկական ուժերի հաղթական կռիվների ավարտը

66

Իրադարձությունները դասավորել ժամանակագրական հաջորդականությամբ.

- 1) «Կոլցո» («Օղակ») ռազմական գործողության իրականացումը
- 2) բոլոր զինված ջոկատները ԼՂՀ ինքնապաշտպանական ուժեր կոչելու մասին ԼՂՀ Գերագույն խորհրդի հատուկ որոշման ընդունումը
- 3) ՀՀ-ում վարչատարածքային նոր միավորների՝ 10 մարզերի ստեղծումը
- 4) «Հայկական ԽՍՀ-ի և Լեռնային Ղարաբաղի վերամիավորման մասին» համատեղ որոշման ընդունումը
- 5) ՀՀ Գերագույն խորհրդի սահմանադրական հանձնաժողովի ստեղծումը
- 6) ԼՂԻՄ-ի Հատուկ կառավարման կոմիտեի վերացումը

--	--	--	--	--	--	--

67

Իրադարձությունները դասավորել ժամանակագրական հաջորդականությամբ.

- 1) «Հայոց մեծ թվականի» սահմանվելը
- 2) Խաչափայտի ազատագրումը և վերադարձը Երուսաղեմ
- 3) Արշակ Արշակունու մասնակցությունը բյուզանդական կայսեր դեմ կազմակերպված խռովությանը
- 4) Ներսեհ Կամսարականի ճանաչվելը հայոց իշխան բյուզանդական կայսեր կողմից
- 5) Բյուզանդիայի և Պարսկաստանի միջև «հավիտենական» կոչված հաշտության կնքումը
- 6) Կոմիտաս Մամիկոնյան ու Մաթեոս Ամատունի եպիսկոպոսների և Սմբատ Բագրատունու մասնակցությունը Տիգրանի ժողովին

--	--	--	--	--	--	--

Կատարել համապատասխանեցում.

- | | |
|---|------------|
| ա. նէպից հրաժարվելու և կուլակությունը որպես դասակարգ | 1) 1926 թ. |
| վերացնելու քաղաքականության անցումը | 2) 1929 թ. |
| բ. գյուղմիասնարկի շրջանառության մեջ մտնելը Հայաստանում | 3) 1921 թ. |
| գ. Դաշնակցության երիտասարդական միության «ինքնավերաց-
ման» համագումարը | 4) 1923 թ. |
| դ. ՀԿԵՄ-ի ստեղծումը | 5) 1924 թ. |
| ե. Հայոց եկեղեցու կողմից Մեծ եղեռնի օրվա՝ ապրիլի 24-ի
նշումն արգելող խորհրդային իշխանության հատուկ որոշման
ընդունումը | 6) 1936 թ. |
| զ. Ադասի Խանջյանի սպանությունը | 7) 1930 թ. |

ա	բ	գ	դ	ե	զ

Պատմիչների անունները համապատասխանեցնել հայոց արքաների վերաբերյալ իրենց խոսքերին.

- | | |
|---|--------------------|
| ա. «Նա հավատարիմ պահապան էր արդարադատու-
թյան և իր կենցաղավարության մեջ զուսպ էր, նաև
չափավոր ու ողջամիտ էր, ինչպես լավագույնները՝
հույների և հռոմեացիների մեջ»: | 1) Պլուտարքոս |
| բ. «Արմենիայի մեծագույն մասի տիրակալ»: | 2) Տակիտոս |
| գ. «Հռոմեացիները նրան ողջունեցին արքայավայել»: | 3) Արիանոս |
| դ. «Հայերը մնացին առանց թագավորի, անտերունչ»: | 4) Մովսես Խորենացի |
| ե. «Հայաստանն... աճել է Արտաշեսի ջանքերով... և
ուստի այստեղ բոլորը միավեզու են»: | 5) Ստրաբոն |
| զ. «Մա մեր թագավորներից ամենահզորը և ամենախո-
հեմն էր և նրանց բոլորից քաջ»: | 6) Պոլիբիոս |
| | 7) Հերոդոտոս |

ա	բ	գ	դ	ե	զ

Ստորև տրված պնդումներից գտնել՝ որոնք են ճիշտ, որոնք՝ սխալ.

- 1) Առաջին աշխարհամարտի Կովկասյան ճակատում պատերազմը 1917 թ. գարնանը թուրք-անդրկովկասյանից վերաճել է թուրք-հայկականի:
- 2) Ստալինի «Մեծ բեկման տարին» հողվածը հրապարակվել է համատարած կոլեկտիվացման գործընթացն սկսվելուց հետո:
- 3) ՀՀ նախկին վարչապետ Ա. Խատիսյանը Պոտոսդամի կոնֆերանսի նախօրեին դիմել էր Ստալինին, Թրումանին, Չերչիլին և խնդրել լուծել հայ ժողովրդին հուզող՝ հայկական տարածքների վերադարձի հարցը:
- 4) Մադրասում 1836-1837 թթ. հրատարակվել է «Նոր բառգիրք Հայկազեան լեզուի» մեծարժեք բառարանը:
- 5) 1880-ական թթ. կեսերից պահպանողական և ազատական հոսանքներն իրենց սպառում են:
- 6) Ռուսաստանի կողմից Օսմանյան կայսրությունից նվաճված տարածքի հայկական մասն առաջին անգամ «Թուրքահայաստան» է կոչվել Ժամանակավոր կառավարության որոշմամբ: